

VENDIM
Nr.892, datë 10.11.2010

PËR RISHPËRNDARJE FONDI LIMIT, BRENDA BUXHETIT TË MIRATUAR PËR VITIN 2010, NGA MINISTRIA E MBROJTJES, NË MINISTRINË E EKONOMISË, TREGTISË DHE ENERGJETIKËS

Në mbështetje të nenit 100 të Kushtetutës, të nenit 44 të ligjit nr.9936, datë 26.6.2008 “Për menaxhimin e sistemit buxhetor në Republikën e Shqipërisë” dhe të nenit 16 të ligjit nr.10 190, datë 27.11.2009 “Për buxhetin e vitit 2010”, të ndryshuar, me propozimin e Zëvendëskryeministrit dhe Ministër i Ekonomisë, Tregtisë dhe Energjetikës, Këshilli i Ministrave

VENDOSI:

1. Rishpërndarjen e një fondi limit, brenda buxhetit të miratuar për vitin 2010, si më poshtë vijon:

a) Ministrisë së Ekonomisë, Tregtisë dhe Energjetikës, në programin “Mbështetje për burimet natyrore”, për Shërbimin Gjeologjik Shqiptar, në zërin “Shpenzime operative”, t’i shtohet fondi limit nga të ardhurat kapitulli 5, prej 2 000 000 (dy milionë) lekësh;

b) Ministrisë së Mbrojtjes, në programin “Forcat e luftimit”, kapitulli 5, t’i pakësohet fondi limit nga të ardhurat, prej 2 000 000 (dy milionë) lekësh.

2. Ngarkohen Ministria e Financave, Ministria e Mbrojtjes dhe Ministria e Ekonomisë, Tregtisë dhe Energjetikës për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha